

Олонхолортон балаҗан ыйыгар Айыы дьонун дьиэтин- уотун ойуулааһын
киирэр.

Ядрихинская Прокопий Прокопьевич – Бэдьээлэ.

“Дьырыбына Дьырылыатта кыыс бухатыыр”

Маннык дьоллоох дойдуга
Хайдах –быһыылаах
Кини -аймах киргиллээхтэрэ,
Ураанхай саха одьунаастара
Олох-дьаһах оностон,
Баай - тала тэринэн,
Дьиэ-уот чэчирэтэн,
Айыллан үөскээбиттэрэ збитэй диэн,
Тула баттаан
Одуулаан көрөн турдахха:
Бу толугу дойду
Туналҗаннаах дьуодьатыгар,
Эргичийэр киинигэр
Кырындыал манган кырдалын
Кылбадьыйар кырдалыгар
Кыстык дьиэбит буоллун диэн
Тоҕус уон саһаан усталаах,
Аҕыс уон саһаан туоралаах
Маанылаах бастын

Мас маалтаар балаҗаны
Тутта охсон кээспиттэр эбит.
Отордуур дьиэбит буоллун диэн
Буобура нусхал булунар
Тоҕус моҕоллоох,
Томороон соҕус тутуулаах
Буор холомону
Туруорбуттар эбит.
Сайылык дьиэбит буоллун днэн
Сарыы таналай халдьаайыга
Аҕыс чампарыктаах,
Тиһик дьарҕаалаах
Даладыйар туос ураһаны
Тардан кэбиспиттэр эбит.
Ол кэнииттэн
Туналҗаннаах толоон ортотунан

Дугуйа хаамай кэлэн,
Тоѳус туллуk баһын
Туура баттаан бырахлыт иһин
Дуорас тохтоппот
Дьулусханнаах дьулуо манган
Тусаһаларын иһигэр киирэн,
Тура түһэн баран
Тула баттаан 'көрдөххо:
Бастын киһи кэлэн
Атын баайдын диэннэр
Матаар ойуу баттаһыннаах,
Бабыгырыы олорор
Бар өксөкү
Барыллыа кыыллаах
Бастын байбарыын манган сэргэни
Байбаччы анныбыттар эбит.
Отто киһи тохтоотун диэннэр
Оһуор-бичик ойуулаах,
Куллугуруу олорор
Кураѳаччы кыыллаах
Орто олук сэргэни
Олордо охсубуттар збит.
Кэлии киһи кэлэн
Кэскиллэннин диэннэр,
Кзрэниис ойуулаах,
Кэѳийэ кэпси олорор
Кэѳэ кыыллаах
Кэйбэйэ манган сэргэни
Кэккэлэтэн кэбиспиттэр эбит.
Ити кэнниттэн
Кэриччи баттаан көрдөххө
Сэттэ тилийэ килиэбинэлээх,
Аѳыс ардара ампаардаах,
Тоѳус тула хотонноох,
Күрүө-хаһаа уксээбит,
Кыбыы, дал кыаѳырбыт,
Толоон-толоон аайыттан
Тоноѳос эриэн чуоѳуйбут,
Алаас-алаас аайыттан
Ала сүөһү аалласпыт,
Сыһыы-сыһыы аайыттан
Сыспай сиэллээх сырсыбыт,
Халдыайы, халдыа аайыттан
Хара сүөһү ханыыласпыт,
Үрүйэ, үрэх аайыттан
Үрүн сүүрүк үөрдүспүт,

Куула, хочо аайыттан
Кугас сүөһү хойдубут.
Ураа-ланкыр муостаах
Уутуйан чуоҕуспут,
Айхал атахтаах
Ааллаһан ааннаабыт,
Балысхан-халысхан баайдаах,
Үллэр үгүс сүөһүлээх,
Үтүө дьон олохторо буолла.

Бу аал уоттаах
Алаһа дьиэлээх,
Аранас тусаһалаах
Ханнык албан-дьяһах ааттаах,
Туох дьонун сололоох
Дьон аймах чулуулара,
Ураанхай саха ордуктара
Олохсуйан олороллоруй? — диэн
Сураҕалаан буллахха,
Ирдээн-тордоон иһиттэххэ —
Аан дойду адаҕа буолбут Арылы Тойон оҕонньор,
Сир сибиир ийэтэ буолбут Кэрэмэс Хотун эмээхсин
Кэлэн олохсуйбут кииннэрэ,
Алаһа бараан дьиэлэрэ эбит.